


# TAMAN ILHAM RASIAH HALIL

~ MENGHAMPAR PUTIK PUITIKA ~

Biodata    Buku    Lampiran RH

- Jan  
31    Ulasan Buku: Bintang Mengerdip  
(Terbit 1984)



Ulasan Buku: **Bintang Mengerdip**, selenggaraan Dharmawijaya, KL:DBP,1984.

## Pengenalan

Kumpulan puisi **Bintang Mengerdip** memuatkan karya 25 orang penyair terkemuka Malaysia seperti A.Samad Said, Usman Awang, Kemala, Muhammad Haji Salleh, T. Alias Taib, Rustam A.

Sani dan lain-lain. Ia mengandungi 64 kuntum sajak yang ditulis dari tahun 1956 sehingga 1983. Kumpulan puisi ini diberi kata pengantar oleh Profesor Mohd. Taib Osman, pensyarah dari Jabatan Pengajian Melayu, Universiti Malaya.

Menurut Prof. Mohd. Taib dalam kata pengantarnya, sajak-sajak yang dipilih agak berbeza daripada sajak-sajak yang terbit pada tahun-tahun 50-an. Pada tahun-tahun 50-an, sajak-sajak dipengaruhi oleh suasana yang memerlukan laungan-laungan membela nasib buruh dan sebagainya. Tetapi keadaan ini berubah setelah munculnya penyair-penyeair 60-an dan 70-an. Menurut beliau lagi, tema-tema sajak mereka lebih matang menghalau ke dalam diri sendiri. Komitmen penyair terhadap masyarakat, tambah Prof. Mohd. Taib, tidak pula berkurangan, tetapi ia dicernakan dengan cara yang tidak ketara.

Terdapat pelbagai tema yang digarap oleh para penyair kumpulan puisi ini. Di antaranya ialah tema-tema kemasyarakatan, kenangan, agama, cinta, falsafah dan sebagainya.

### **Beberapa Sajak Pilihan**

Sajak 'Perpustakaan' oleh A. Wahab Ali adalah sebuah sajak yang sederhana sifatnya tetapi membawa maksud yang mendalam. Dengan bahasa yang mudah A. Wahab Ali membuat kita berfikir sejenak akan sumbangan para cendekiawan kepada dunia ilmu pengetahuan. Beliau mengingatkan kita bahawa dokumentasi mental inilah yang kekal walaupun para cendekiawan tersebut tiada lagi di dunia. Kata beliau:

#### **Perpustakaan**

*Di sini  
bersidang para cendekiawan  
dari tindanan tulang temulang tamadun  
berkata-kata kepada setiap perenungnya.*

*Di sini  
lubuk kawah si pemikir  
yang pernah bodoh dalam hidup  
mencuri malam dari tidur  
mencuri siang dari rehat*

*Di sini  
bersandar kepala pendeta  
mencipta tenang di tengah gelisah  
mencipta susah di tengah tenang*

*Di sini  
tidak ada cendekiawan yang mati  
kerana kubur ilmunya  
dihidupkan setiap penemuan  
(hal. 9; 1976)*

Tema agama atau apa yang dianggap sebagai sajak-sajak demikian banyak diketengahkan pada akhir tahun 70-an dan awal 80-an. Salah sebuah sajak bertema agama yang baik pengolahannya ialah sajak 'Jalan Ke Taman' tulisan Ali Ahmad. Kejujuran yang tersirat dalam sajak ini dan kata-kata yang sederhana telah menimbulkan kesan tenang pertama kali membaca sajak ini:

### **Jalan Ke Taman**

*Jalan ini terlalu lengang  
selaku malam yang tua  
lurus dan tegak  
berbatu pedoman  
dan pengingat yang tepat*

*Jalan ini ikut cita hati  
paling halus dan kudus  
dalam lagu damai dan senang  
alun-alun pujaan  
dengan makna yang memastikan  
antara jasad yang sementara  
dan roh yang abadi*

*Jalan ini tiada simpang masuk  
pintunya dari maknawi tertinggi  
atas makrifat*

*Di hujung taman-taman menanti  
sekelilingan sepi dan puji  
embun-embun deru kudus  
desir dari Firdausi*

*Jalan ini telah sunyi  
kembara teguh membenarkan  
keredaan wujud-Nya.  
(hal.17; 1982)*

Adakalanya proses menghala ke dalam diri ini membuat kita menyoal mengapa kita (atau suara para penyair kita) tidak setegas zaman kesusaahan dahulu. Keselesaan telah menimbulkan 'kehilangan kepekaan' dan hal tersebut dinyatakan oleh Firduz Abdullah dalam sajaknya:

### **Kembalikanlah Kepadaku**

*Kembalikanlah kepadaku  
sepasang telinga  
dengan kepekaan seperti dulu  
mendengar di hiruk pikuk  
mengangguk di sunyi sepi*

*Kembalilah kepadaku  
sepasang mata  
dengan ketajaman sebening dulu  
melihat segala tersirat  
mencatat seraya menghayat*

*Kembalikanlah kepadaku  
degup hati dan denyut nadi*

*seperti dulu  
bersama saluran air mata  
yang sedia basah  
dan telaga tawa bertimba takwa  
arif merasa dan menduga*

*Anugerahkanlah kepadaku  
zat  
bibir dan lidah  
yang tak kenal kedu tak kenal lelah  
longlai melenggang membelai sayang  
ligat bersilat merapat hakikat  
(hal. 25; 1982)*

Soal pembangunan masih diperkatakan oleh penyair kumpulan puisi ini, misalnya sajak ciptaan Mansor Ahmad Saman, walaupun tidak setegas dahulu:

### **Desakukah Ini?**

*Desakukah ini  
yang gelisah  
dengan loji  
mencakar tanah  
meruntuh bukit  
manusia tersepit  
di rekah buminya  
resah*

*Desakukah ini  
yang telah hilang  
dusun dan sungai  
lembah dan ladang  
tenteram dan tenang  
dilanda badai  
pembangunan*

*Desakukah ini  
yang telah menjadi  
penjara batu bata  
dan penghuninya  
tiba-tiba bertempik  
tanpa suara*

*Desakukah ini  
yang menggelabah  
dalam darah  
membuak hitam  
membunuh alam*

*Desakukah ini*

*wilayah asal  
kini janggal  
tidak kukenal  
dan aku terasing  
di dalamnya*  
(hal. 37-38; 1981)

T. Alias Taib selalu mempunyai kelainan dalam mengolah sajak-sajaknya. Beliau sering menggunakan kata-kata yang sederhana dan menyampaikan kenyataan yang sedia kita maklumi, tetapi cara penyampaian beliaulah membuat sajak-sajaknya ‘berlainan’. Keunikan sajak ‘Di Ufuk Empat Puluh’ ialah keupayaannya membuat kita merenung dan menilai hidup yang telah kita lalui. Bersama penyair T. Alias Taib, kita mengharungi detik-detik yang telah ditinggalkannya dalam proses menuju kematangan.

### **Di Ufuk Empat Puluh**

*di ufuk empat puluh aku mulai mengasingkan  
pucuk muda yang lembut  
dari daun tua yang kuning  
aku mulai merasakan  
air berterjunan dalam jeram  
jeram bergemuruh dalam darahku*

*di ufuk empat puluh aku mulai mengumpulkan  
berkas kelemahanku yang bertaburan  
dalam hutan remajaku  
aku mulai memikul  
bakul yang berat di belakangku  
sarar oleh pengalaman  
sarar oleh penemuan*

*di ufuk empat puluh aku mulai dikejutkan  
oleh suara dan peristiwa aneh  
terbit dari kerongkong terowong  
yang menjalar dalam diriku  
aku mula mencari akarku  
yang hampir reput*

*di ufuk empat puluh aku mulai belajar  
mengutip isi dari inti  
mengambil inti dari erti  
mengupas erti dari hidup  
aku mulai banyak  
bertanya dari menjawab  
mencari dari menyepi*  
(hal. 61-62; 1983)

Sajak terakhir dalam kumpulan puisi **Bintang Mengerdip** dicipta oleh Zurinah Hassan. Seperti kebanyakan sajak Zurinah, temanya adalah sesuatu yang kelihatan tidak begitu berat tetapi sarat

dengan falsafah dan pengamatan penyair. Ia adalah sebuah sajak ‘menghala ke dalam diri’ yang baik.

### Pada Ketetapan Ini

*Laut adalah hamparan yang mengasyikkan  
subuh bercumbu dengan lembut suara ombak  
senja mengusap dengan jalur-jalur jingga  
malam membalutnya bersama misteri alam  
siang membentangkannya bagai cermin kehidupan  
perubahan itulah ketetapan*

*Terbukalah dada mengembara dunia  
yang lelah dalam pencarian  
pencari keadilan yang luka  
bila si benar akhirnya tidak menang  
pencari keabadian yang kecawa  
bila tiap kehidupan diruntuhkan kematian.*

*Jalur sinar pun mengutus kesedaran  
kesementaraan itulah  
yang mengingatkan pada keabadian  
dan dia tidak bisa menyintai kehidupan  
selagi dia tidak menyintai kematian  
(hal. 75; 1983)*

### Kesimpulan

Buku ini tidak jauh bezanya daripada kumpulan puisi **Lagu Kehidupan** yang juga diselenggarakan oleh Dharmawijaya (Kamaruzzaman A. Kadir). Malah kesemua penyair diketengahkan kembali dalam **Bintang Mengerdip** kecuali A. Ghafar Ibrahim, Hadzrami A.R. dan Nahmar Jamil, dan dimasukkan pula sajak-sajak dari A. Samad Said, Ali Ahmad dan Usman Awang sebagai pengganti. Terdapat juga beberapa buah sajak yang terbit dalam **Lagu Kehidupan** di terbitkan semula dalam **Bintang Mengerdip**.

Penyair-penyair yang dikemukakan memang dikenali umum tetapi sajak-sajak yang dipilih bukan pula yang terbaik daripada penyair-penyair tersebut. Dan tidak semua sajak menjadi ‘lebih matang’ apabila temanya ‘menghala ke dalam diri’ kerana terdapat beberapa buah sajak yang lebih merupakan catatan harian penyair sahaja. Kita juga diberi biodata para penyair dan ulasan yang mendalam mengenai tema-tema yang dipilih. Kayu ukur yang digunakan oleh penyelenggara bagi memilih penyair-penyair ini juga tidak dikemukakan kepada pembaca. Walaupun demikian, kumpulan puisi ini adalah suatu pengenalan kepada ‘butir-butir bintang’ kepenyairan yang menghiasi dunia puisi Malaysia kini.

Ditulis: 29 Mac 1985

Tersiar: Berita Minggu (Singapura), 1985

Tulisan: Rasiah Halil.

Advertisements

## Earn money from your WordPress site

Share this:



[Twitter](#)




[Facebook](#)

Like

Be the first to like this.

### Related



Melayari Perahu Kertas  
Karya Sapardi Djoko  
Damono, Yang Terbit Pada  
1983 (Ditulis Pada 1984)  
July 2, 2019  
In "Ulasan Buku"



Segugus Suara Sastera Dan  
Renungan (Ditulis Pada  
Julai - Ogos 2020)  
June 4, 2021  
In "Ruangan Pendapat/Isu  
Semasa"



Ulasan Buku: Antologi Puisi  
Simponi Anis Sabirin  
May 26, 2016  
In "Ulasan Buku"

This entry was posted on January 31, 2019, in Ulasan Buku. Bookmark the [permalink](#).

[Leave a comment](#)

← [Kata Mutiara](#)

[Kajian Ringkas 'Pasir Panjang', Singapura](#) →

**LEAVE A REPLY**

Enter your comment here...

## RASIAH HALIL



## TERBARU – LATEST

Untuk Renungan Kita Pada 4 Jun 2021

10 Kuntum Sajak: 'Pokok Cermai', 'Burung Pingai', 'Ummu Ayman', 'Mencari', 'Hijab (ii)', 'Yang Kupinta', 'Mereka', 'Janganlah', 'Konon Ceritanya' & 'Kisah Si Jalut'

Madah Manis & Manja 4

Damai Yang Kita Nantikan (Ditulis Pada November 2002)

Drama Radio: Setinggi-tinggi Tupai Melompat (Ditulis Pada Mei 1976)

## KATEGORI – CATEGORIES

'Madah' Snowy & Ginger (4)

Pantun Terjemahan (2)

Catatan (328)

Ruangan Pendapat/Isu Semasa (27)

Ruangan Sri Anggerik (147)

Ruangan Tun Fatimah (28)

Cerpen (18)

Drama Radio (1)

Kata Mutiara (63)

Kenangan Mengusik Jiwaku (3)

Madah Manis & Manja/Kerenah Kucing (7)

Sajak (148)


Ulasan Buku (32)

Ulasan Buku/CD (1)

Ulasan CD (3)

Uncategorized (1)

## NYANYIAN SI ANAK DAGANG (2013)



Kumpulan Puisi